

دائرة مخصوصه

درسعادتده باب عالی جوارنده

محل اداره :

مشرط القيم

اخطار :

مسلكمزه موافق آثار جديده مع المنوئيه

قبول اولنور

درج ايدهلن آثار اعاده اولنور

دينه، فلسفه، علوم، حقوق، ادبياتده و سياسياتده و باطاضه كرك سياسي و كرك اجتماعي و مدني احوال و شئونه اسلاميه و ده بحث ايدر و هفته ده بر نشر اولنور.

آبونه بدلی

سنه لکی

التي آيلنی

ممالك عثمانیه ایچون	۸۰	۴۰	غروش
روسیه	»	۶۰۵	۳۰۵ روبله
سائر ممالك اجنیه	»	۱۷	۹ فرائق

صاحب و مؤسسلی :

ابوالعلا زین العابدین - ح . اشرف ادیب

تاریخ تأسیسی

۱۰ تموز ۳۲۴

درسعادتده نسخه سی ۵۰ پاره در

قیرله دن مقوا بورو ایله کوندریلیرسه سنوی
۲۰ غروش فضله آلیر

عبدالله بن عمر «رضی» انه قال اخذ رسول الله «ص» بمنكبي وقال
(كن في الدنيا كأنك غريب او عابر سبيل وعد نفسك من اصحاب القبور
يا ابن عمر اذا أصبحت فلا تذكر نفسك بالمساء واذا أمسيت فلا تذكر
نفسك بالصباح وخذ من صحتك لسقمك ومن حياتك لموتك فانك
لا تدري يا عبدالله ما اسمك غدا) صدق رسول الله .

عنى شيخ العرب

لطا نغدن :

رسام مفلى !

بر زمان واردی یا تاریخ مقدس موداسی ..
یکی یابندیردنی کوشکک بویوجک بر او طه سی ،

مطلقا اسکی تصاویر ایله زینتلسین ،

دیه رسام آراتیر خیلی زمان بر زنکین .

برئ پیدنا اوله رق ، بن یاپارم ، دیر . قولنی
صیغایوب اقشامه وارماز ، سکیز آرشون سالونی

صیوار اما نه صیوار ! صاحی دیر :

— اوسته ، بو نه ؟

قیب قیزیل بر بویا چکدک او طه نک هر یرینه !

— بو رسم ، عسکری باصمقده ایکن فرعونک ،

بحر احمر یارلویب کچمسیدر موسانک .

— هانی موسی به آدم ؟

— چیقمش اقدم قارایه ..

— فرعون زرده ؟

— بوغولش ..

— یا بو قان رنکی بویا ؟

— بحر احمر آی اقدم .. یشیل اولمازیا بوده !

— چوق کوزل لوحه ایمش طوغروسی شنلندی او طه !

محمد عاکف

۲۰ تفرین ثانی ۳۲۵

طوفان نوح

فلسفه مثبتیه صحیفه لرندن :

انسانلرده ادوار قدیمه نک ، — ظلمتلر ایچینده مهیم ، کریزان
برکولکه کی قالان — زمانلرک موروثاتی ، او یله درین تأثیرات اجرا
ایده رکه: بتون شئون حیاتییه بی بو غیر مطرد مؤثرات اده سنده ارامق
اوراده صاصلماز برغایه منطق بولمق دائمی ، زرین برامل ، حقیقی
برواسطه فعالیت اولور .
متمادی براستحاله عضویه قارشینده شعشعه دار بردوره تکاملی

قوجا قلامق ، بشریتک یومروقلر ، تحکملرالتندن یوکسه لن جریحه دار
ایکلیلرینی تخفیف ایتک امیدیه چالیشان ، یورولان انسانلر — اعصار
آله نک موروثاتندن می ، بیلیم — یاشادقلری یرلری شدتله سورلر
مختلف زمانلرک اعماق نسیانه کومولن مسمود ، فجایع نمون خاطر اتدن
باکی برلرزش حظوظ دیوارلر . بوده نه در؟ غیر اختیاری بریاد باضی ...
غریک متفلسف وجودلرندن برینی تشکیل ایدمن «رول سیمون»
عوامل حیاتییه ایضاح ایدیورکن دیورکه :

[— بشریت ، کچیردکی ادوار طفولیتدن شمیدی به قدر بو حس
اجتماعی التنده ازیلشدر . چونکه : بو ، الک برنجی مؤثر ترقیدر .]

ایشته امام سیوطینک ، شرقک محیط باکرده یتیشن بودهای
بلندک منقرص عصرلردن کلن صدای تصوفی ده بزم صماخ حقیقه تمزده
شوجه لر فیصلدار :

— ترقی ؛ ماضی ایله حالک دائمی بره قایسه منطقیه سیدر . دیمک

اولویورکه ؛ بر قومک ، بر عنصرک الک بیوک سائق ترقیسی ماضی سیدر .

مدنیک مؤسسی اولان ملتلر ماضیلرینی هیچ بروقت قابلی بولماش

اونلر ؛ هپ اومستغرق نسیان زمانلردن اوزانان صدای تاریخنک

عکوس تمادیه سنی ، موجات انتباهنی دیکله یه رک منتظم بردوره تکامل

کچیرمه یه موفق اولمشلردر . روما حکومتک خونین برتمالی ، انصاف سز

برحاکمی اولان «دومیتن» ؛ ندماسنه ؛

« — اسکی قلیجلر می هر وقت زیارت ایدیکز . اونلرک لال

وابکم وضعیتی سزه بر چوق شیلر فیصلدا یه بیلیر ، « دیردی . یو حقیقت

تاریخیه ، بزم هر وقت تاریخنک لزوم استعانه یی اخطار ایدره . چونکه :

بر انسان متکامل ، متمثل بر ماضیدن بشقه برشی دکلدن . انسانلر ،

ماضیلرینی نه قدر ائی تمثل ایدره لر سه مبارزه حیاتییه ده تأمین موفقیت

کندیلری ایچین او قدر قولای اولور .

ماضی به درین برحس حرمت بسله مک ؛ انسانلرک برحس

اصلی سیدر . «اوکوست قونت» ک عنعنات فلسفیه سنی قبول ایدمن بر

آدم ، برپوزی تیویست پیله بوتأثیردن قور تولاماز . زیرا ؛ ادراک ؛

برتمثل ، دها دوغروسی بر ادمان عضویدر . تاریخ میدانده ...

تاریخ ؛ بشریتک ادوار طفولیتده ایکی اوج وقعه نک یالان یا کلش

برمعکسندن عبارت ایکن بوگون «اثار عتیقه فی — آرخه تولوزی»

اک صمیعی بر معاوان اولویور ، ماضینک انقاض احتشامندن صار صیلماز

حقیقتلر چیقارییور . ایشه او حقیقتلر ؛ تاریخک شکلی ده کیشدیریور

عادتا تاریخ ، تکامل اجتماعی ایله یان یانه کیدیور .

شمیدی محترم قارئم ، شولزوم تمثل ؛ مختلف فیه ، مهیم برمسأله

تاریخیه نک تحلیل و تشریحی ایجاب ایدیور . یوقاریده سویله مشدم که :

«تاریخ عادتا بر مقیاس ترقیدر ؛ بو ؛ یک دوغرودر . تاریخک رصین

اساسلرینی بزم مقدساتمز کوریور . لیکن فروعاتنک اکتساب

قطعت ایتمه سی بزم ایچین بر احتیاجدر . بونلردن بری ، بلکه ده

اک مهیمی «طوفان نوح» در . طوفانک وقوعنده شبهه یوقسه ده

صو آلتنده قالان قسم اعظم ارضك محیطی حقننده برچوق اختلافات وجوددر .

برروایت نزه انسال بشرک نوح (ع. س) اخفادن وجوده کلدیکی و تورات شرحنده بیان ایدلیکی اوزره نیل کنارنده یتیشن نباتات نوعندن یابیلاں کمی اها لیسندن باشقه هیچ کیمسه نکلما دیغنی سویلیور . دیگر برروایتده طوفانک معین برمنطقه داخلنده حصوله کلدیکی ، بیان ایدیور . بونی ایلک دفعه ایکنجی عصر میلادیده یتیشن ، اورتودوقس راهلرندن سوریه لی «تاتیه» ادعا یتیش و یونانستانده بوزمین متعلق برچوق وعظلم ویرمشدر . (آنسیقلوبه دیره لیزیونه) ده معلومات مفصله واردر .

زول لاروق ؛ «تاریخ و فن» عنوانی اثرنده دیورکه : [جودی داغی ائتکلرنده اجرا ایدیلن تدقیقات ؛ بورالینک ادوار سالفهده صو آلتنده قالمش اولدیغنی واضحاً کوستیر . ذروه نکل ۳۰۵ مترو اوزاغنده قوملر ، طاشلرک آنجاق وضعیت طبیعی لرندن استدلال ایدیله بیلن اشکالر ، نوات عضویه بولونمشدر . بونلر ؛ ارضك اوغرا دیغنی حادثات طبیعی نتیجه سیدر .]

فلسفه مثبت نکل اک بویوک مدافع لرندن اولان دوقور «روینه» ؛ فضله اوله رق «دهرینه رایده» ده ترکستانک ، شمالی ایرانک ، قافقاسیه نکل صولر آلتنده قالدیغنی بیان ایدیور . بوحوالیده بولونان حیوانات بحریه انطباعاتی ، نوات متحجره ؛ قوانین مدنیة اسلامک محتویات باهره سنی انظارمن اوکنه قویویور . کله لم فلسفه دینه مزه :

سوره نوحده «ما خطیئاتهم اغرقوا فادخلوا...» آیت کریمه سنده «اغرقوا» نکل ذکر ایدله سی معنای عمومیت افاده ایده مز . چونکه : «انا ارسلنا نوحاً الی قومه ان انذر قومک...» آیت کبراسنده نوح (ع. س) ک یالکز قومی انذار ایچین ارسال ایدیلدیکی قطعاً بیان ایده . حالبوکه : «قوم» آری آری حوالیده یاشایان وعاداتی یاشادقلری محیط تأثیریه آرزوق ده کیشن جمعیات صغیره انسانیه معناسنده . قوم لفظندن «ارضك ازلیتدن ابدیته دوغرو سیلان ایدن «نسغ حیاتیسی» قصد ایدیله مز . مقدساتمه نظرأ اوامر الهیه یی تلقی ایده مین قوم نوح (ع. س) ک اغراق ایدیلدیکی ارضك سائر محللرنده ساکن عناصرک قورتولدیغنی قطعی در . بتون کره ارضك صو آلتنده قالدینی فرض اولونسه تحولات طبیعی نکل حال حاضره آزاجق موافق برتأثیر اجرا ایدیلیکی زمانلرده اولاد نوحک وسائط ابتدائیه ایله آمریقایه ناصل کچه بیلدیکی وارد خاطر اولاییلر . «قولومب» ک وسائط مدنیة نکل نسبة فوق الاماده موجود برزمانده بولوندوغی حالده آمریقایه نه قدر مشکلات یله کیتدیکی تصور اولونورسه بونک مستبعد برخیال اوله بیله جکی ، بدیه یدر . آمریقانک مؤسسات ابتدائیه سی ، اوتده بریده بولونان تکلیسات حیوانیه کوستیریورکه : بوراده حیات ؛ دوره آدم (ع. س) ایله معاصردر . هیچ بر انقطاعه ، هیچ بر سقوطه اوغرامه مشدر . طبقات متحجره نکل انتظامی ده بوکا بویوک بر دلیلدر . بوتون بومناقشات فیه ، دلائل منطقیه ؛ طوفانک

معین برمنطقه داخلنده وقوعه کلدیکی آکلاتیور . رشیم حیاتی برذر . انسانلر ؛ کره ارضك تحولات طبیعییه اوغرامغه باشلادیغنی زمانلرده بو مجهول قطعه لره یرلشمشدر . طبیعتده حصوله کلن حادثات متعادیه تأثیریه یکدیگرندن آیریلشمشدر . نوح (ع. س) صولر آلتنده ترک حیات ایدن قومندن صو کرا اوحوالی ایچین بر (ایکنجی ابوالبشر) در . چونکه : «ما خطیئاتهم اغرقوا...» آیت کریمه سنک مضمونی عمومی دکل ، خصوصیتی افاده ایدیور . «... الی قومه...» قیدی اعتراضه محل بر اقایور . دیمک اولویورکه : نصوص قرآنی و حقایق فیه وقوعه کلن طوفانک بوتون کره ارضه شامل اولما دیغنی میدان چقاریور . مدرس زاده

کوپریلیلی : باهر السقنی

قرنفرانس

لسان عثمانی تدریساتی حقننده

(معارفک دعوتیه اسپارطه لی حق افندی طرفندن ۲۹ اغستوس ۳۲۵ تاریخنده اسکی مکتب حقوقده مکاتب رشیده معلمینه تقریر ایدلشد)
ایکنجی مصاحبه دن مابعد

(خلاصه : فعل و فعلده اوج عنصر — اصل معنا عنصری — تمیز کوکلر و فیلزلی کوکلر — اصلاری اوردوب احتیاجی اداره ایتک یولی — ماده اصلی و ماده فعل — اصلرده نفی — زمان عنصری — آنا صیغه لر وربط صیغه لر — دوقوز آنا صیغه — آنا صیغه لرک تشکیلی — صیغه لرده نفی صوری و مضارع نفینک بوزوقانی — ربط صیغه لری او قدر ایشله ک دکل — ... بقیه سی صوکره)



فعل ایلله اسم آراسنده کی فرقی بیلیرز . اسم ؛ برشی کوسته ریر ، بوقدرله قالیر . فعل ایسه ، بر حال برایش ، بروارلق بیلدیرر . . واقعا بوده برشی کوسته رمک دیمکدر . فقط اسم برشی کوسته روب قالدینی حالده ، فعل بوقدرله قالمایوب او شینک زمانتی وصاحبی ده آکلاتیر . مثلاً (اویودی) ، (کوردی) دیندیکی وقت ، بونلردن آکلادیغمز حالدن ایشدن ، وارلقدن باشقه ، اویویان کیم ؟ کورن کیم ؟ نه زمان اویودی ؟ نه زمان کوردی ؟ بونلری ده برابر آکلارز . بویله جه مثلاً (اویودی) کله سنندن («او» «کچمش زمانده» (اویودی) معناسی چیقار . ایشته بوقطعی فرق ، فعللری اسملردن قطعی صورتده آیریر . شو حالده فعلده باشلیجه اوج شی بولونیور دیمک : حالی وایشی بیلدیرن اصل معنا ، بونلری ایچنه آلان زمان ، بونلرک صاحبی اولان شخص ... بو اوج شینک بر برندن فرقلی اولان عنصرلری بربری آردنجه صیرا طوتار . یعنی تا باشده اصل معنا عنصری بولونوب زمان عنصری اوندن صوکره کلیر ، شخص عنصری ایسه هپسندن صوکره یه قالیر . مثلاً (کوردیکز) کله سی فعلدر . بونده کی (کور) عنصری (کورمه) دنیان اصل معنایی کوسته ریر . (د) ویا (دی) عنصری بومعنا نکل ظرفی اولان زمانی و فعلک برطورینی کوسته ریر . (کز) عنصری ده بومعنا یه صاحب اولان ، بوایشی